

## Erindisbréf fyrir íþrótt- og æskulýðsráð Dalvíkurbyggðar

### 1. Stjórnskipuleg staða:

Íþrótt- og æskulýðsráð heyrir beint undir sveitastjórn og starfar í umboði hennar. Ráðið starfar á fræðslu- og menningarsviði. Sviðsstjóri fræðslu- og menningarsviðs og íþrótt- og æskulýðsfulltrúi eru starfsmenn ráðsins með málfrelsi og tillögurétt á fundum ráðsins. Sviðsstjóri er að jafnaði fundarritari íþrótt- og æskulýðsráðs en ráðið getur valið sér annan fundarritara úr starfsmannahópi sveitarfélagsins.

### 2. Skipun ráðsins:

Í íþrótt- og æskulýðsráði eiga sæti fimm fulltrúar, sem sveitarstjórn kýs til fjögurra ára að afloknum sveitarstjórnarkosningum skv. ákvæðum sveitarstjórnarlaga og samþykktar um stjórn Dalvíkurbyggðar. Á sama hátt eru kjörnir fimm fulltrúar til vara. Sveitarstjórn kýs formann og varaformann fyrir ráðið.

Sveitarstjóri á rétt til að sitja fundi ráðsins með málfrelsi og tillögurétti. Stjórnendur og starfsmenn Dalvíkurbyggðar skulu sitja einstaka liði á fundum ráðsins, þegar eftir því er leitað. Stjórnendur sitja að jafnaði einstaka dagskrárliði á fundum þegar fjallað er um málefni er varðar þeirra stjórnunarsvið sérstaklega.

### 3. Fundarboðun, dagskrá, fundarstjórn og ritun fundagerða:

Um boðun funda íþrótt- og æskulýðsráðs, fundastjórnun og ritun fundagerða fer samkvæmt gildandi samþykkt um stjórn Dalvíkurbyggðar. Formaður íþrótt- og æskulýðsráðs, eða varaformaður í forföllum hans, undirbýr dagskrá fundarins í samráði við sviðsstjóra fræðslu- og menningarsviðs og íþrótt- og æskulýðsfulltrúa á fyrirfram ákveðnum undirbúningsfundi. Sviðsstjóri eða íþrótt- og æskulýðsfulltrúi boða fund í umboði formanns, eða varaformanns, og sendir út fundarboð.

Boða skal fund með a.m.k. tveggja sólarhringa fyrirvara. Fundir ráðsins eru að jafnaði einu einni í mánuði og skal í upphafi kjörtímabils ákveða fastan fundartíma.

Fundir skulu haldnir samkvæmt boðaðri dagskrá. Engin mál skulu tekin til meðferðar ráðsins án undirbúnings. Ekki er heimilt að bæta við málum á dagskrá ráðsins eftir að fundur hefur verið boðaður og fundarboð sent út. Öll frávík frá henni skulu borin undir atkvæði.

#### 4. Málaflokkar og deildir sem falla undir ráðið:

- 06 Íþróttta- og æskulýðsmál, að undanskilinni deild 06270 Vinnuskóli.
- 32200 Eignfærðar framkvæmdir ofangreindra deilda og málaflokka.

Stofnanir og mannvirki sem heyra undir íþróttta- og æskulýðsráð:

- Íþróttamiðstöð Dalvíkurbyggðar.
- Félagsmiðstöðin í Víkurröst.
- Sparkvöllur við Dalvíkurskóla.
- Gamla íþróttahúsið í Víkurröst.
- Aðrar stofnanir og mannvirki sem skilgreindar eru til notkunar fyrir íþróttta- og/eða æskulýðsstarfsemi sveitarfélagsins.

#### 5. Valdsvið:

Íþróttta- og æskulýðsráð hefur umsjón með þeim deildum og málaflokkum sem undir ráðið heyrir í umboði sveitarstjórnar. Ákvarðanir þess eru ekki bindandi fyrir sveitarfélagið fyrr en þær hafa hlotið staðfestingu sveitarstjórnar og eftir því sem við á stofnana ríkisins og/eða ráðuneyta. Sveitarstjórn getur veitt íþróttta- og æskulýðsráði fullnaðarafgreiðslu mála enda sé ekki ágreiningur í ráðinu um þá afgreiðslu.

Fulltrúar í íþróttta- og æskulýðsráði hlutast ekki til um starfsemi sveitarfélagsins í málefnum sem ráðinu eru falin nema á fundum ráðsins. Þó getur ráðið, byggðaráð eða sveitarstjórn falið fulltrúa að vinna að undirbúningi máls með starfsmanni, enda felist engar ákvarðanir í þeirri vinnu.

#### 6. Hlutverk og verkefni ráðsins:

- Að vera sveitarstjórn til ráðgjafar um stefnumörkun, forgangsröðun og framkvæmd verkefna í málaflokkum á fagsviði ráðsins.
- Að hafa yfirumsjón með íþróttta- og æskulýðsmálum á vegum sveitarfélagsins.
- Að hafa yfirumsjón með Heilsueflandi samfélagi.
- Að hafa yfirumsjón með íþróttta- og æskulýðsmannvirkjum sveitarfélagsins.
- Að hafa eftirlit með samskiptum við íþróttta- og æskulýðsfélög sem heyra undir fagsvið ráðsins.
- Að gera þjónustusamninga við stofnanir sveitarfélagsins um afnot íþróttta- og æskulýðsmannvirkja þar sem það á við.
- Að annast gerð styrktarsamninga við íþróttta- og æskulýðsfélög og endurskoðun á þeim í samræmi við fjárheimildir hverju sinni.
- Að fjalla um hvatagreiðslur til barna- og ungmenna vegna tólmstunda- og íþróttaiðkunar (ÆskuRækt).

- Að hlutast til um þjónustu við börn og ungmenni hvað varðar forvarnar – og æskulýðsstarf á grundvelli laga um félagsþjónustu sveitarfélaga nr. 40/1991 og æskulýðslaga nr. 70/2007.
- Að fjalla um umsóknir og erindi sem tengjast þeim málaflokkum sem heyra undir ráðið og gera tillögur að afgreiðslum til sveitarstjórnar.
- Að úthluta úr Afreks- og styrktarsjóði samkvæmt umsóknum á grundvelli reglna sjóðsins.
- Að eiga samvinnu við aðra aðila í sveitarfélaginu um framkvæmd hátíðarhalda og viðburða á vegum sveitarfélagsins.
- Að gera tillögur að stefnum, reglum og gjaldskrám.
- Að gera tillögur að starfs- og fjárhagsáætlun til byggðaráðs ásamt framkvæmdaáætlun.
- Að hafa eftirlit með framgangi gildandi starfs- og fjárhagsáætlana og að þeim sé fylgt.
- Að starfa með sviðsstjóra fræðslu- og menningarsviðs og íþróttá- og æskulýðsfulltrúa að málum sem undir þá og ráðið heyra s.s. veita umsögn um ráðningu stjórnenda innan sviðsins.
- Að taka fyrir á fundum ráðsins stöðu bókhalds í samanburði við heimildir í fjárhagsáætlun; rekstur og framkvæmdir.
- Að taka fyrir á fundum ráðsins framgang framkvæmda- og starfsáætlana.

Íþróttá- og æskulýðsráð gerir tillögur að framtíðarsýn og markmiðum fyrir starfsemi sveitarfélagsins og stofnanir á fagsviði ráðsins. Ráðið gerir tillögur að starfs-, fjárhags- og framkvæmdaáætlun í samstarfi við sviðsstjóra fræðslu- og menningarsviðs og íþróttá- og æskulýðsfulltrúa. Ráðið skal hafa faglega og rekstrarlega umsjón með rekstri þeirra málaflokka, deilda, stofnana og mannvirkja sem á fagsviði þess eru og hafa eftirlit með því að starfað sé innan ramma laga og samþykkrar starfs- og fjárhagsáætlunar á hverjum tíma.

Meginhlutverk ráðsins er stefnumótun. Ráðið gerir tillögur um úrbætur og nýsköpun í þeirri starfsemi sem undir það heyrir.

Ráðið setur sviðsstjóra, íþróttá- og æskulýðsfulltrúa og forstöðumönnum þeirra stofnana sem undir ráðið heyra starfsreglur um afgreiðslur einstakra mála, þannig að hraða megi afgreiðslu, sbr. 42. gr. sveitarstjórnarlaga.

Auk verkefna sem ráðið hefur með höndum skv. lögum og erindisbréfi þessu, getur sveitarstjórn falið því ýmis mál með erindisbréfum eða sérstökum samþykktum.

### **7. Starfshættir, lagaákvæði og heimildir:**

Um starfshætti ráða er sérstaklega fjallað í VI. kafla samþykkrar um stjórn Dalvíkurbyggðar og skal þeim fylgt eftir því sem við á. Formaður stýrir fundum ráðsins skv. ákvæðum III. og IV. kafla samþykkrar um stjórn Dalvíkurbyggðar. Í störfum sínum skal ráðið fylgja þeim lögum og reglugerðum sem um starfssvið þess gilda hverju sinni.

Til að fylgja eftir samþykktum ráðsins skulu fulltrúar ráðsins snúa sér til sviðsstjóra fræðslu- og

menningarsviðs.

### **8. Réttindi og skyldur:**

Um réttindi og skyldur fulltrúa í íþróttá- og æskulýðsráði gilda eftir atvikum ákvæði sveitarstjórnarlaga, upplýsingalaga, stjórnsýslulaga, samþykktar um stjórn Dalvíkurbyggðar, ákvæði siðareglna kjörinna fulltrúa, innkaupastefnu og innkaupareglna, lögreglusamþykktar, samþykkt um fjárhagsáætlunarferli Dalvíkurbyggðar, reglna vegna gerðar viðauka við fjárhagsáætlun, almennra reglna um birtingu gagna með fundagerðum, persónuverndar- og öryggisstefnu, lýðræðisstefnu, upplýsingastefnu og mannauðsstefnu Dalvíkurbyggðar, stefna, reglna og samþykktar fræðslu- og menningarsviðs er varðar málaflokka á fagsviði íþróttá- og æskulýðsráðs.

Fulltrúar eru bundnir þagnarskyldu vegna mála, sem þeir fá vitneskju um í starfi sínu fyrir ráðið og ætla má að leynt eigi að fara skv. eðli máls eða lögum, hvort sem þau varða einka- eða almannahagsmuni. Þagnarskylda helst óbreytt þótt menn hætti setu í ráðinu eða láti af störfum á þess vegum.

**Samþykkt á 114. fundi íþróttá- og æskulýðsráðs þann 05.11.2019.**

**Samþykkt á 326. fundi sveitarstjórnar þann 16.06.2020.**